



Broj: 05-04-20-391-3/23
Maglaj, 14.03.2023. godine

Na osnovu člana 70. Zakona o javnim nabavkama („Službeni glasnik BiH“, br. 39/14 i 59/22), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08 i 6/08), a u vezi sa Zapisnikom o pregledu i ocjeni ponuda, broj 05-04-20-391-2/23 od 13.03.2023. godine, u postupku javne nabavke „Nabavka sajamskih montažnih kućica i štandova“, Općinski načelnik donosi

ODLUKU o izboru najpovoljnijeg ponuđača

I

Prihvata se preporuka Komisije za javne nabavke i ugovor o nabavci sajamskih montažnih kućica i štandova dodjeljuje se ponuđaču **Opšta zadruga „Bios“ Visoko P.O.**, u skladu sa ponudom broj 03-08-1/23 od 08.03.2023. godine, po ukupnoj cijeni od **38.261,00 KM bez PDV-a, odnosno 44.765,37 KM sa PDV-om.**

II

Izabrani ponuđač iz tačke I oslobađa se obaveze dostave dodatne dokumentacije, s obzirom da je uz ponudu dostavio tražene dokaze o kvalifikaciji u ovjerenoj kopiji.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na web stranici Općine Maglaj.

Obrazloženje

Odlukom o pokretanju postupka, broj 05-04-20-391/23 od 27.02.2023. godine, pokrenut je postupak javne nabavke „Nabavka sajamskih montažnih kućica i štandova“, putem konkurentskog zahtjeva za dostavu ponuda. Predmetna javna nabavka objavljena je na portalu javnih nabavki, obavještenje o nabavci broj 1140-7-1-27-3-7/23 od 27.02.2023. godine. Sažetak obavještenja o nabavci objavljen je u „Službenom glasniku BiH“, broj 14/23. Kriterij za dodjelu ugovora u predmetnom postupku je najniža cijena.

Predmetni postupak je, u skladu sa svojim nadležnostima, provela Komisija za javne nabavke imenovana Odlukom broj 05-45-1-1069/22 od 19.05.2022. godine. U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da su blagovremeno zaprimljene tri ponude, prema redoslijedu zaprimanja kako slijedi:

r/b	Naziv ponuđača	Datum i vrijeme zaprimanja	Cijena / KM bez PDV-a	Cijena / KM sa PDV-om
1.	Obrt drvodjeljarstvo-Hasić, vl. Zikret Hasić	09.03.2023. 14,21h	40.000,00	46.800,00
2.	Opšta zadruga "Bios" Visoko P.O.	10.03.2023. 08,33h	38.461,537	44.999,998
3.	"Step" d.o.o. Tuzla	10.03.2023. 08,33h	38.300,00	44.811,00

Neblagovremenih ponuda nije bilo.

Sve zaprimljene ponude su prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom.

Nakon otvaranja ponuda, Komisija je utvrdila da je ponuda ponuđača Obrt drvodjeljarstvo-Hasić, vl. Zikret Hasić neprihvatljiva, u smislu odredbe člana 2. stav (1) tačka I) Zakona o javnim nabavkama, jer ponuđena cijena prelazi planirana, odnosno osigurana novčana sredstva ugovornog organa. Tumačeći pomenutu odredbu, Agencija za javne nabavke je dana 23.10.2023. godine na portalu javnih nabavki i svojoj zvaničnoj stranici objavila Mišljenje u kojem navodi da se ponuda čija vrijednost prelazi procijenjenu vrijednost nabavke mora odbaciti. Nadalje, u Mišljenju, broj 04-02-1-2506-2/22 od 21.11.2022. godine (dostupno na zvaničnoj internetskoj stranici Agencije), Agencija za javne nabavke daje dodatno tumačenje, navodeći da se prihvatljivost ponude cijeni prije zakazivanja e-aukcije.

Rukovodeći se citiranom zakonskom odredbom, te tumačenjima Agencije za javne nabavke, Komisija je u ovom postupku izvršila ocjenu ponuda prije zakazivanja e-aukcije, te utvrdivši da je ponuda ponuđača Obrt drvodjeljarstvo-Hasić, vl. Zikret Hasić neprihvatljiva zbog visine ponuđene cijene, odbacila ponudu ovog ponuđača. Nakon pregleda i ocjene preostale dvije ponude, Komisija je utvrdila da obje ispunjavaju zahtjeve u pogledu forme, ponuđene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom, zbog čega ih je ocijenila prihvatljivim.

E-aukcija je zakazana za dan 13.03.2023. godine s početkom u 10,00 sati.

Nakon održane e-aukcije, konačna rang lista u predmetnom postupku javne nabavke je sljedeća:

r/b	Naziv ponuđača	Cijena / KM bez PDV-a	Cijena / KM sa PDV-om
1.	Opšta zadruga "Bios" Visoko P.O.	38.261,00	44.765,37
2.	"Step" d.o.o. Tuzla	38.300,00	44.811,00

Po završetku e-aukcije, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor za nabavku sajamskih montažnih kućica i štandova dodijeli ponuđaču Opšta zadruga "Bios" Visoko P.O. Preporuka je, zajedno sa izvještajem o radu Komisije, dostavljena rukovodiocu ugovornog organa 13.03.2023. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, sa najnižom cijenom nakon e-aukcije, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od pet dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK
Mirsad Mahmutagić

